



澤堂集  
三

詩

卷十

~16  
2384  
1



和  
2384  
1-10

澤堂先生集卷之五目錄



詩

元日辛未

寄題林東野棟晚休亭亭在平遠堂對巖

嶺南按使竹陰趙公希逸贐章

金叅議止男挽

送李受吾志宏出守靈巖

次東岳贈僧斗暹韻二首

權主簿韜挽

送岳老于揚州海谷歸途口吟却寄

夢坐一小舟指點鴈行橫山而去髮鬢江天秋  
景仍得一聯覺而思之足成一律以看畢竟  
符應

送李文伯祭出牧公山

不寐

送朴魯直使胡中

奉和北伯叔父登軍樓生日廢宴之作無以自

叙四首

次鄭雪谷韻送洪使君景時靈赴東萊三首  
即事

水上有感乞暇東歸時

八月初二日舟向驪江出郭口占

夜泊斗津口每句用經書語二字創為經語體

舟中聞蟋蟀

鷗谷書懷

挽海嵩尉小室

奉親赴水城次網兀里書奉表兄具參奉長源

却寄鄭德金道源李子方三學士二絕水城錄下

同

阻雨二首

彌時坡嶺二首

逾嶺

望海

杆城東樓作

宿乾鳳寺聽雨

見佛殿遺基有感

還目魚

松竹問答二首

寄成川李使君善述二首

黃楊厄閏年題本玉堂月課

仙遊潭

清澗亭

萬景臺

洛山寺會襄府李汝復景容宗丈三首

河趙臺

元日有感壬申

宿烈山縣

北郊觀獵夜歸小酌

雪馬

植於襄陽李使君為同宗姪而慈氏與襄陽大

夫人同乙卯生今爲養乞外同爲嶺外官接  
壤往來實稀罕之邁也今年壬申慈壽七十  
八二月初三日乃誕辰越八日使君奉大夫  
人至遂卜初九日開筵館之東軒明日使君  
開筵于衙舍西軒又明日復請小設於東軒  
植陪至清澗亭而歸顧念此事不可無傳仍  
以二律記之無錄奉使君座下

遊竹島取叢竹代著二首

復遊竹島取箭

後目魚詩

重三日折花挿瓶獨酌數杯偶吟孫谷絕句仍

用其韻示甥兒輩二首

次詠月樓韻二首

潭上口跡

北川打魚避雨松下口占十五絕

自杆城沿牒入京仍往交河北村

麟蹄客舍即事

烈山湖岸小憩二首

松林窟記事

元通寺感事

佛頂臺記事

松林窟後峯飛泉

十二瀑布

雲水庵訪應祥長老

曹溪觀瀑漲

榆岾寺十四韻

泛三日浦四絕

四仙亭次板上李子時韻

海山亭次諸公韻

鑑湖堂次諸公韻二首

奉寄東岳叔父以奏請副使朝燕四首

蓮亭十絕句

秋夜宿乾鳳寺和太白紫極宮韻

次韻奉題申方伯園亭詩卷

仁穆王后挽章十六韻

又二律

竹島洋中見大小魚騰擲仍賦寄懷

水城四時絕句

立春

除夜以亂山殘雪夜孤燭異鄉人分韻十絕



澤堂先生集卷之五

詩

辛未元日

百劫崢嶸頂上旋三元半夜箭辭弦學慚韓老題箴

歲官輟陶翁決退年

韓退之四十八作五箴自微李陶翁辭職疏云臣當中廟之

未犬馬之齒四十有八自見立朝以來無一善狀決意退歸

白谷久拋蒔秣計驪

江新閣釣鱗船一瓢陋巷希顏樂方寸何時發浩然

寄題林東野

棟

晚休亭亭在朴思菴平遠堂舊

基對岸

解綬投三運臨江卜一丘魚鰈新伴侶湖海舊風流

謂晚真非晚宜休便得休應瞻庵相築喬木暗生愁

嶺南按使竹陰趙公希逸陛辭時自上面諭

曰嶺俗不好武卿文翰之士宜兼飭武事公兢

厲而退出郊次以語餞客且要植贐章謹因

聖教之意演為韻語

雞林儒術啓新羅弧矢掄材亦有科一統吾東仗文

武千年遺跡在山河藩侯虎鉞今踰嶺學士鸞書舊

上坡故首天語丁寧期並用知君談笑息鯨波新羅始設弓科

故首

金叅議止男挽詞

癸丑邦家大禍仍橫流賴有老中丞一言款曲摧邪

喙連牘周旋與善朋宇宙至今扶棟柱風塵何地免

機曾百年文酒相逢處挽紼無從雪涕凝

送李受吾志宏出守靈巖

地接西滇闊山從月岳攢魚鰕腥曉市橘柚照秋盤

去國雖云遠專城且自安應尋素隱子頻卸浣花鞍

素隱慎伯舉自號方在其處未向及之

次東岳贈僧斗暹韻二首適畫手李德應來令作韋偃古松老僧圖

贈

層城一曲小叢林禪板團蒲淨客心曾識此間佳處



在閉門空作洛生吟  
偃亞長松祇樹林衲衣枯坐了何心深知物色皆泡  
影且為龍眠費一吟

權主簿韜挽詞

雪月寒鍾故國詩九齡佳句世間知風塵歷詆空時  
輦江海歸來有酒卮囊裏虎韜身擁褐案頭丹訣鬢  
成絲唯應五寶聯珠集不廢高名死後垂

送岳老于揚州海谷歸途口吟却寄

銓中方欲擬公祭酒

竟不果而出

江湖廊廟兩差池藩閩方知荷 寵私塞國已非乾

淨地衰年詎是別離時欲留陽子言無補追送荊州  
罪不辭只有青門路傍柳歸時偏對淚行垂

回答使之行太學士張公以廟堂之議行國書  
辭旨頗不中肯綮植慮其無益而徒取侮辱偶  
見大司馬金公略言所見金公以為然即白于  
大臣令植自以所見改撰其書植亦不敢辭矣  
既而大臣見之大以為不然而誥之命仍用前  
書植念此事安危所係而大臣但錯認文意非  
以植所見為非也欲待翌朝與張公書爭論前  
書不是處憧憧念文字夜半方就睡忽夢坐一

小舟指點鴈行橫山而去髣髴江天秋景也仍  
得一聯云鴈行堪入畫舟勢欲浮空覺而思之  
非昨日意境也豈非時事大定吾輩得歸江峽  
之兆耶抑散班末跡不宜吹吹國事造物者以  
是發之耶遂不復與張公書足成一律以看畢  
竟符應如何耳時辛未六月二十三日夜也

澤國陰霖霽江天晚望通鴈行堪入畫舟勢欲浮空  
百慮安危際孤生夢覺中清邊仗廟筭一棹任秋風

送李文伯

出牧公山

僕方以西班待罪而公得左貶名州此非僕所

望也命下三日即行而委來索詩故云

淋雨連旬卧子桑君來告別太匆忙官因恩譴行  
須早州在湖山興亦長客路定看清禁月征衫纔襲  
御爐香微班滯跡成何事只欠腰間太守章

不寐

夏夜不能寐非為俗慮嬰安危宗國計出處古人情  
役役成何事嗶嗶枉此生唯應辭寸祿歸隱鹿門耕

送朴魯直使胡中

朴生袖中劍三尺擬斬天驕開北漠李生雖孱筆如  
椽為君欲銘燕然石四十八年同落度白髮書帷坐  
窮寂朴生今年提劍出青布白綿輸虎穴李生筆鋒

更無用却草新詩與君別男兒事業太草草蘓卿之節亦潦倒石田茅屋歸須早

奉和北伯叔父登軍樓生日廢宴之作兼以自

叙四首

郊麟閣鳳世稱禎降德曾丁間氣盈甲子循環當睟日星君注簿授長生即今鎖鑰須平仲他日君王問長卿好是南樓風月夜不妨憂國細傾觥  
郵筒秀句自邊城節屋翻驚爽氣生舊歷封疆恢點檢新開籌筆費經營五楫久屏憂溝壑嘯詠專妨事甲兵何日燕然重勒石盡教番種解編迎

邇來羈思劇搖旃城市那堪競側肩薄俸絆人貧是病沉痾閉戶日如年散材瓠落迷兵略末學蒸蕪阻講筵祗有潯陽歸去路會收風景入吟鞭  
雲樓百尺俯虹橋匝岸芳塵響玉鑣表裏飽觀山海險歸來偏覺道程遙一方雄鎮瞻新使北載陳蹤似昨朝欲問紗籠磨舊韻更慚危尾續羣貂

次鄭雪谷韻送洪使君景時景赴東萊三首

遠祖名侃號洪崖曾謫東萊其後縣令鄭雪谷  
謙追悼賦詩即此韻也追和者已成卷軸景時  
要同和  
為別章

傍海惟萊邑乾坤接水端今君此知府先世亦遷官

十葉流芳遠三刀客夢闌殊方傳勝事莫說進途難

二

草草看行色悠悠飲恨端餘年俱向晏此去又拘官  
絕徼雲霾戍層城水拍闌蠻歌星夜永應念遠遊難

三

島醜曾干紀邊兵慎啓端金繒非國計牖戶倚  
官戍卒新須練關商古有闌龍泉初淬鐔盤錯亦何

難

即事

中堂絲竹列蛾眉翠幃銀鞍擁路歧綴烏明珠延夕

月縈裙繡鳳絢晴曦臯夔稷契書何讀許史金張貴  
正宜莫說東門銅狄事人生適意在當時

水上有感

廢朝時名流多放逐居水上者其

逐客自相標榜乃其時奸黨欲構成逆獄先設

飛語耳反正以後諸君反用此名連茹而進以

余庸早亦不免前後混吹人事之不可常有不如

此夫然自吾輩入朝以後國家益多故非惟有

肖無所匡救與汨齊入羣賢之力亦未上大懷

拯濟出慶行藏之義一豈不難哉每過水上懷想

舊遊輒復慨然茲賦乞暇東歸時也

叔英崇禎辛未仲秋乞暇東歸時也

當年水上萃羣賢我亦過從忝並肩出處即今違宿  
計往來空復費殘年山禽入籠翻留戀宛馬當衢却  
屢顛賴得踈翁先就窰十人纔見一人全

八月初二日舟向驪江出郭口占

積雨前宵霽東郊亂水明青疇深鶴膝綠樹翳蟬聲  
不為歸山去何緣出郭行篙師復相促風便好開程

夜泊斗津口

東坡譏杜詩用經文語以余觀之  
詩亦經也何不可用舟中偶作一

律每句用經書語  
二字創為經語體

江水東流漢

禹貢

吾行

孟子

沂月湖波驚魚或躍乾露冷

鳥先呼

同

逝矣

牧誓

商山隱懷哉王風楚澤枯空將衰世

志繫終夜

論語獨長吁

舟中聞蟋蟀

唧唧鳴何意淒淒夜向晨草根應覺冷篷底故相親

自有天機動翻令客思新江湖近搖落知汝亦酸辛

瑞谷書懷

前月天外孫今月喪表叔奈何旬日間闔門再荼毒  
外孫才五齡表叔八旬足脩短何必論一時冥限促  
脩者恩益深短者愛已篤居然去莫追詎不傷心目  
我在老少間了知同此躅文章與功德何異燼颯燭  
况當仲秋交獨處家山麓風林自蕭蕭露草徒沃沃  
餘景復幾何細故更拘束矢詩非以娛聊復舒衷曲

挽海嵩尉小室

即名妓松月有孩先天

風流都尉賞妍媚綉閣紗厨秘髻鬟壁月正圓沉夜

海仙雲無跡鎖秋山藍田王子驚先折寶幄香魂叫  
不還却有安昌後堂客薤歌相送亦淒潸

秋末奉親赴水城次網兀里書奉表兄具叅軍

長源却寄鄭德金道源李子方三學士二絕水城錄下

同

無復消埃補 聖明王堂金馬總虛榮板輿銅印滄  
洲路最是平生得意行

病後深杯亦不辭出城三日尚透遲故人祖席猶回  
首何況危樓望北時

阻雨二首

馬首當前大嶺橫明朝準擬上崢嶸淵龍忽作千峯  
雨山驛仍淹一日程厨吏打包頻告罄王翁嫌客自  
占晴他鄉漸近家鄉遠莫向危途恨滯行頻一作先  
昏時癡坐自天明竟日淋鈴不放晴屋溜侵燈微作  
暈溪雲擁樹濕無聲橫灘已報津船漏繫檣頻聞老  
馬鳴無奈龍公譏俗狀故教寒雨鎖前程

彌時坡嶺二首

平生弧矢志四方經險艱南登鳥道棧北上磨天山  
不謂東峽路復有彌坡關一川百折渡一嶺千匝環  
側足滄波上舉手青雲間始恠地何依更擬天可攀

澤堂集  
方知滅國東別是一區寰將窮觀覽富豈計腰脚頑  
時時領竒絕且爾開塵顏作千一作百  
五步一回顧十步一停留三朝上峻阪三暮登上頭  
巨石傷我足顛崖眩我眸大哉穹壤內茲嶺誰與侔  
回車與叱馭忠孝心所求何意携老母乃反窮遐幽  
餘生慕苟全絕跡甘遠投臨風發長歎吾道知是不

逾嶺

不謂軒騰到極巔向來辛苦費攀緣平臨大嶺橫分  
地快眺東溟上際天滅國舊墟今職貢金剛真氣本  
靈仙前岡欲下重回首白嶽終南轉杳然

望海

鮫宮貝闕五雲中赤岸銀河一派通桑土幾翻今作  
海輿圖此外更無東賓賜義仲勞將命駕石秦皇枉  
費功誰識額墟微小吏晴窓朝暮對壺蓬

杆城東樓作

高閣朱闌倚碧虛層巒列嶂繞庭除鰲山只在封疆  
內鯨海應知畎畝餘萬里壯遊雙眼在百年浮世一  
漚如神仙可接非吾事贏得閑官學遁居作便是一

宿乾鳳寺聽雨

十月空山雨三更遠客心早寒侵戶牖微潤濕衾

水碓聲還數香燈暈欲沉東溟却眼底容易較愁深  
見佛殿遺基有感

人世休煩問禪宮亦劫灰叢林化瓦礫雙樹入蒿萊  
漠漠三千界憧憧百六災終須大悲願靈跡見重恢

還目魚

有魚名曰目海族題品卑膏腴不自潤形質本非奇  
終然風味淡亦是佐冬醜國君昔播越艱荒北海陲  
目也適登盤頓頓療晚飢勅賜銀魚號永充壤奠儀  
金輿既旋反玉饌競珍脂嗟汝廁其間詎敢當一匙  
削號還為目斯須忽如遺賢愚不在己貴賤各乘時

名稱是外飾委棄非汝疵洋洋碧海底自適乃其宜

松竹問答二首

松問竹風雪滿山谷吾能守強項可折不可曲  
竹答松高高易摧折但守青春色低頭任風雪

寄成川李使君善述二首

與君同甲竟誰雄一宦東西各轉蓬府伯稍昇嫌地  
劇縣監雖小荷恩洪巫山臺觀腥塵後蓬島烟霞  
病眼中富貴神仙俱廓落白頭相望歲將窮

潦倒佳人錦瑟傍巫山樓閣暮春光依紅泛綠俱名  
勝爛醉豪吟太劇狂幕府舊遊今雨散故都前歲又



兵創海山風雪官齋夜陳迹思來一夢長

黃楊厄閏年題本玉堂月課借以寓意

積餘成閏數當然奚獨黃楊厄此年不是化工培更  
覆緣渠素性退能堅松栢作伴先推長桃李雖華肯  
鬪妍大厦扶傾他日事貞心聊表歲寒天

仙遊潭

滄溟西岸更湖山瓊島樓臺一望間未許俗蹤飛渡  
便却聞仙客往來閑松寒石瘦俱全潤鳥度雲移盡  
作斑最好蘭舟橫鐵篴夜深驚破睡龍慳

清澗亭

天教滄海無潮汐亭似方舟在渚涯紅旭欲昇先射  
牖碧波纔動已吹衣童男樓艦遭風引王母蟠桃着  
子遲招悵仙蹤不可接倚闌空望白鷗飛

萬景臺

臺名萬景無多景只是蒼巖聳碧潯烏兔迭從輪蓋  
轉鰩鯢自在尾間深直將眼界為天界都把吾心看  
水心多少征途登眺者甕中空費螭蛄吟

洛山寺會襄府李汝復景容宗丈是日大雪三

首

誰喚龍公撒玉塵琳宮光景轉頭新滄溟倒接銀濤

沫祗樹粧成白  
當春歲暮登臨仍勝地  
天涯會合是宗人不愁歸路  
簑衣濕且闔樽前漫浪身

至人亦有滄洲趣  
靈迹曾留海岸東  
一手慈悲奔鯨

域千秋臺殿壓鴻濛  
鯨魚自吼僧催鉢  
寶氣常騰壁

吐虹欲效白華王子讚  
愧無奇語與爭工

白華山即觀音坐處  
王子安作讚甚奇

安堅水墨石川詩千載  
伽藍兩絕奇  
劫火併將僧寶

去名區便覺壑舟移  
香雲法雨虛無裏  
解瓦頽垣指

點疑賴得 宣陵宸翰在  
神光依舊擁山祇

河趙臺

臺名河趙自何年  
形勝兼將姓氏傳  
鼻顛十尋爭巨浪  
灣洄一曲貯深淵  
初疑砥柱當橫潰  
更覺桑田閱變遷  
從古爽鳩遺此樂  
幾人陳迹逐風烟

元日有感 壬申

金尺恭聞統弁辰  
璣衡即轉四壬申  
漢家豈免中天厄  
周曆宜過八百春  
白首微蹤甘遠屏  
皂囊封事憶前陳  
清晨栢醕丁寧祝  
大業重恢仰 聖神

宿烈山縣

歲首初行縣  
山中別有倉古亭  
經雨毀貧戶屬災荒  
老大才逾拙  
煦濡澤豈滂  
不眠翻諷詠  
窓月伴燈光

北郊觀獵夜歸小酌  
萬里滄溟上孤城亂雪堆寒烟漁店閉返照驛亭開  
暇日容觀獵新年數舉杯殊鄉飽 聖澤不恨鬢絲  
催

雪馬

尻輪神馬乘風行達人寓言愚夫驚兩足為輿板為  
駟雪馬之技亦其次蓬萊山前三丈雪海國一冬商  
旅絕西人掩泣東人喜壁上花驄好牽出前昂後聳  
若乘船丈二之策當金鞭上山徐驅下山疾枯株朽  
木避折旋狡兔迷蹤老虎吼豪猪青兕不敢走擊鮮

數獲日夕歸何曾飼秣防偷取君不聞項王馳下四  
隕山如雲漢騎駭且逗千里騅蹄棄不收七十戰功  
終安有不如麻鞋短後踏雪馬朝出射獵夜飲酒

植於襄陽李使君為同宗姪而慈氏與襄陽大  
夫人同乙卯生植與使君兄弟在京同修壽親  
契今為養乞外同為嶺外官接壤往來實稀罕  
之違也今年壬申慈壽七十八二月初三日乃  
誕辰粗設酒樂而使君適有恙不果來越八日  
使君奉大夫入至遂卜初九日開筵館之東軒  
明日使君開筵于衙舍西軒又明日復請小設

於東軒植陪至清澗亭而歸嶺東冬春來無日  
不風雪是時連七日晴和余久不劇飲至是不  
覺酩酊尋常不喜作題板詩顧念此事不可無  
傳仍以二律記之兼錄奉使君座下  
金剛南麓遊仙窟碧海東頭浴日津大壘兩堂偕甲  
子同宗高會屬初辰華軒皂蓋逢迎近玉醴瓊桃頌  
祝新莫說永郎千載事人間此樂足長春  
鳴沙晴路板輿輕峴首風烟接水城月過上弦初展  
魄花臨寒食政催榮封隣魯衛叨聯席壽祝喬松遶  
進觥但得情親窮勝事滄濱何異在秦京

遊竹島取叢竹代著二首

仙人在東海山以蓬萊名蓬也是惡草豈合仙界生  
無奈晦其稱故令世間輕我來遊竹島此地疑蓬瀛  
猗猗琅玕綠悅聞鸞鳳鳴奔濤接飛雪日夜風雷驚  
青蒼獨不渝壽與瑤卉并了知述郎徒自無塵俗情  
此君以為伴彼蓬焉比榮吾詩亦恐洩聊以示同行

世聞之聞  
一作聞

二

茫茫六鰲宙鬱鬱萬叢竹下有孔鸞棲上有祥雲宿  
神明依正直受命本幽獨真堪悶仙蹤誰敢溷塵躅

靈氛索筮筭環玦傳禮俗豈比秋田蓬森森謾多族  
茲焉事芥斤大衍纔盈掬人非嶰谷伶詠異淇園綠  
歸示成都隱壺洲剪寒玉

復遊竹島取箭

前日遊竹島刈竹代靈著今日遊竹島採箭充軍資  
洪惟伏羲氏神道開民彝奈何帝軒皇而用干戈為  
遂令宇宙間武奮文教衰腥膻漫遼左供給窮海陸  
方春役吏卒舟楫顛且欹但恐直筭少豈辭乘險危  
蓬萊咫尺路咄咄昧所之安得腋翅翎永與蝸角辭

漫一作滿

後目魚詩

時以歲凶停歲封只送目魚二  
束于親友因此招謗故云

閩山多荔枝蠻海饒蛤蜊二物豈不珍難乎致京師  
關東天下險絕嶺窮海陸隆冬積冰雪棧閣迷蹊達  
摧轅與什馬往往聞僵尸鮮肥縱滿眼輦輸定非宜  
目也魚之微枯腊黏乾皮雖然易飽畏聊用充書儀  
鵝毛贈千里所重豈在茲由來五牲地烹犢同折葵  
鳧鷖雖非汰焉用瓠葉為喧然起衆口憐此迂且癡  
吾禮固已簡渠魚亦可悲物賤世共棄名卑人更嗤  
寄語窮廬士斯路真險巇

重三日折花插瓶獨酌數杯偶吟蓀谷絕句仍

用其韻示甥兒輩二首

重三名節已春深悄悄空齋動越吟自挿沙瓶花數  
朶老翁猶復小兒心

鈴條寂寂畫堂深雀噪蜂喧惱客吟悵悵西軒一杯  
酒好花時節故鄉心

次詠月樓韻二首

極目蒼蒼海色幽蓬壺此去路非脩長鯨起浪爭楓  
岳彩蜃吹霏幻月樓萬劫滄桑知變滅一身天地認  
浮休蒙莊早識坳堂大不道鄒生九九州

飛甍縹緲海山隅萬里來遊愜壯圖玉塔金輪開水

國桂宮雲箔敞仙都風流不博南樓庾文字堪追赤

壁蘓無那美人千里隔夜寒蟾兔影同孤右荷谷韻

潭上口號

百頃平潭掃點埃微風皺綠遶松臺雖然不及春醪  
色且挽征鞍盡數杯

北川打魚避雨松下口占十五絕

淅淅峯頭雲霏霏溪上雨羊裘不知濕歷盡千花塢

二

直淵名自佳蘭渚意亦古行窺霹靂潭恐觸蛟龍怒

三

峩峩陳寶嶺逕路通

王京復煩蜀丁力更續張載

銘

時欲開此嶺直道遣僧審形勢

四

瀑勢從天下潭心涵日照噴雷灑流沫浙瀝高林杪

五

別有洞天開金剛接五臺桃花無數漲俗客不曾來

六

山前復山後曉出忘日西殘紅猶着樹濃綠已迷蹊

七

昔遊花始開今看花已老莫恠往來頻春容不長好

八

為避海風腥未嫌山雨冷溪頭數杯酒雲罅日斜嶺

九

從來山水樂只在忘言裏官僮笑吾痴獨遊何所喜

十

岸曲總宜宅松深自作臺深山無罟弋雉兔不相猜

十一

經冬飽海錯沿洞又抄魚從他笑饒口自憶故溪漁

十二

觀漁聊取適盡物本非情田品有典訓不專眼口營

十三

黃魚千百羣一一衝瀾上但慕翀天飛甘心落抄網

十四

烟花如冶女風柳如遊客八九霜髯松依然丈夫色

十五

避雨蔭古松童童繖蓋重仍題五字句較勝大夫封

自杆城沿牒入京仍往交河北村即是西海港

其間行程纔六日也述即事

無端就行役東海到西濱便覺吾邦隘纔容十數亭  
風潮殊水脉鹹淡異盤腥却笑浮生事漂漂一泛萍

麟蹄客舍即事

古縣蒼山內穿雲石逕斜吏民同野鹿亭館似禪家  
夏隴多宜粟春溪徧漲花邀頭邀上客燒芋煮新茶

烈山湖岸小憩二首

吏隱真無事閑行未可停仍尋太湖石暫憩烈山亭  
蜃閣連滄海龍宮擁翠屏相期述郎侶歲暮更揚舲

二

龜日何年赤龍居古縣沉窓櫳或可覩亭障已難尋  
政孰龔黃羨刑誰寧郅滂無窮千劫事付與一盃斟

世傳古縣沈在湖中  
天晴時可俯見窓櫳

卷五

詩

十八



松林窟記事

窈窕松林窟莊嚴石佛軀柱香時入榻泉乳自通厨  
說法淵龍聽鳴鍾木魅超人寰知己遠巖運自春蕪

元通寺感事

時阻雨五宿此寺

蘭若干峯底松蘿一迳幽偶投方丈宿却作半旬留  
瀑漲迷歸路雲霾阻上頭浮生有緣會行止捻悠悠

佛頂臺記事

金輪頂上插芙蓉搔首青天問幾重千澗直趨無底  
谷二儀斜戛次高峯

日出月出對時蒼崖樹老經棲鶴前  
峯相對時  
有松白鶴常棲其顛養雛癸丑獄後金吾人搜捕通  
賊駭聞山谷鶴自此飛去不來曹溪洞表訓洞亦有

巢鶴皆去

玉井泉清認攫龍

臺之東有九井峯即  
九龍所攫為井處却笑鑿

崖多姓字古來仙賞豈留蹤

臺石上多刻遊客姓  
名居僧亦苦其役

松林窟後峯飛泉

不覺巖扃遠欣逢霽景鮮中天猶散雨絕頂故飛泉  
碧澗添奔漲青林濕晚烟歸蹊鋪錦石蘚滑不堪穿

十二瀑布

億丈蓬山面誰刻十二重羣崖泉感沸一道瀑眷容  
霹靂寧爭響雲霞不秘蹤聊凭金粟頂俯瞰玉鱗龍  
雲水菴訪應祥長老

山形祖印屹相參下有曹溪水亦甘一錫卓基初啟

澤堂集  
宇四禪棲影別開龕香雲蓋覆金爐焰亂石晨聽玉  
塵談頗憶青衫白司馬老投廬阜結茅菴

曹溪觀瀑漲

前日百川洞瀑勢猶未巨曹溪三日雨壯觀實罕侶  
羣瀑漲一壑奮猛孰能禦亂石當其間相持作齟齬  
峯撞豈自止梗悍反欲拒巖巖屹不動活活流必去  
千回溢窪坎萬折經險阻觀其吞吐狀變態難悉叙  
或湧若峯巒或堆若阨階或會如市廛或聚如商旅  
或如車敗輶或如臼受杵或掛若簾箔或布若縞紵  
或散若珠迸或沸若湯煮或翻若鞞鷹或逗若藩荊

或跳若脫窰或縮若入褚或如瓢注漿或如篩漉醕  
或屹立如柱或對伏如礎或卷若筵席或橫如案俎  
騰如雪衣鶴竄如水鬚鼠或冕旒天垂或組帳颯舉  
或旁激推岸或中開成渚或駟駟冲陣或戈戟嬰圍  
或狂夫瞿瞿或碩人俛俛或如強項令摧剛柔不如  
或如賈勇夫怒拳爭跋距陰符縱捍闔白戰堅脊脊  
巴山巖抗張海岱齊餘莒建瓴北攻趙方舟南下楚  
聲音又何異咫尺隱笑語鞞鞞鼓鳴柝嘈啞鍾響簾  
或鏗鏘佩環或合止祝啟或雜若唱唄或和若律呂  
或殷若轟霆或細若鳴杼喧爭若仇讎嗔喝若爾汝

或逆行趨坦或徑行逢沮崩如覆城隍塌若摧墻宇  
彭浪汨復轉蕩滴峻以紆纒看數畝平却放千丈許  
吹霏細雨濛灑潤零露滑日暎絢紅暈風掀亂絲緒  
清如於陵士白於耶溪女雕龍舌未窮豎亥步應踞  
橫流恐襄陵快瀉疑吞野方聞浸吠畝更報沒禾黍  
折葦孰代航采蘋孰提管無人辨鮫室有誰燃犀炬  
山前大瀛海畢竟是歸處其東極天維其下深島嶼  
焦山何曾泐尾閭無盡貯幽沈囚鯁鯁澆滄潛魴鱖  
向來千百變及茲了無所大哉坎之德消流積有序  
臨川起聖歎浴沂亦所與由來曹洞水甘味勝酌醜

琳宮在空曲粉墻疑禁籞清涼開士室五月遺炎暑  
平生山水癖守官類拘圉沿洄快心賞宿昔忘憂癩  
旋歸若遺失摹寫煩縶楮他年記陳迹此句宜吟咀

榆岾寺

十一韻寺再經火重建繞完寺中有  
大王大妃與公主昭容手書內典數百  
卷新藏可寶玩故有芝編王  
檢之句餘皆寺中古迹也

碧海環蓬島金仙駕石鐘千秋徵異說四海想禪宗  
有儼青蓮宇旁羅白玉峯璇題紅日絢繡拱彩霞濃  
法席香飄桂齋厨翠滴松風鈴晴自語雲碓夜仍舂  
寶塔金輪表芝編王檢封薰爐燒翡翠華燭鏤芙蓉  
舊俗崇三寶當年降六龍神鴉開感沸瑞鹿額芳茸

巖洞皆仙迹珍奇盡佛供風塵猶漠漠燒劫亦重重  
俛仰浮生事經過幾客蹤真丹倘可化歲晚更投筇  
泛三日浦四絕

芙蓉三十六倒插澄湖渚不見四仙徒斜陽回棹去  
二

孤嶼浦中央松聲在碧水漁舟棹歌歸杳杳烟波裏  
三

晚泊四仙亭仍尋六丹字真仙豈好名恍惚千秋事  
四

仙凡異甲子三日即千秋安得爛柯頃從君卒歲遊

四仙亭次板上李子時韻

瑤編一字誤真經昨夜鸞駮下紫冥萬里長風三島  
路孤槎落日四仙亭

海山亭次諸公韻

斲破金剛麓平臨度索洲虛簷山翠濕半壁海霞浮  
絕境終誰至良辰辨此遊清樽琴數曲無事不風流  
至一作主

鑑湖堂次諸公韻二首

雙鬢添霜兩眼花倦遊經歲謾思家多君早作湖山  
主一面金剛戶外斜

平潭百頃漾菱花  
髣髴稽山賀老家  
卯醉醒來涼滿榻  
一林風竹對人斜

奉寄東岳叔父以奏請副使朝燕四首

蓬館蘭臺號列仙  
行人終屬外朝賢  
少叅幕彥今專對  
三候遼槎再赴燕  
慣遣象胥諳節操  
徧放河岱播詩篇  
滄濤萬里魚龍伏  
一掬丹衷炳日天

維揚去歲挽征車  
已覺衰年別恨加  
謗篋乍開仍薦牘  
北旌纒納又西槎  
銅符自縛淹孤壘  
斗酒相將阻一家  
多少衣冠沙峴路  
幾人追送倍咨嗟

中原消息比何如  
旅口纒聞返羽書  
胡馬北窺迷塞

稷島兵西狝斷軍  
儲干戈此日多艱  
梗舟楫今行倍險  
噓自有先師浮海  
志應將平陸視歸  
墟

幕府當年荷品題  
關河隨處辱提攜  
烟塵壁壘清川北  
花月樓臺滙岸西  
十載三行仍勝迹  
一官千里此孤棲  
炎雲匝嶺滄溟濶  
欲寄音書路亦迷

蓮亭十絕句  
池在杆城內余為開鑿擬於其中  
作亭築土作草菱以處瓦屋三間

付材料工費盡具以待春和適遠歸以其材  
交代宋熙業未遷基于西岸而作云

玉井仙梯不可通  
錢塘麗句自生戎  
誰知東郡三池艷  
不博河陽一縣紅

地近金剛大洞天  
窓間一面效嬋妍  
池荷故學峯峯

娟妍  
疑

秀擢玉抽紅更萬千

城中迫窄欠人家亭館蕭條倚岸斜不有方池平數  
頃遨頭何處擅繁華

爭妍戲笑競繁粧浥雨含烟繞小堂太守醉歸香擁  
袂風流不用大堤倡

芳卿未了三山事千載湖山訪述郎惡雨洗乾青繡  
帔冷風吹劈赤霞裳

王喬赤舄海山東漢武金莖太液中月裏桂香分馥  
馥雲端芝蓋對童童

縱使潘妃步步竒終輸洛襪點清漪鄰中才子無情

思但說朱華冒淥池

臺亭面面占新陂傍柳穿沙席屢移墜粉自多風定  
後濃香不斷月明時

辭山偏覺憶山深古柳衰荷思不禁莫恠澤風迷舊  
象官堂新構亦池心

淤泥不染真名喻詮偈相傳盛釋徒賴有瀛翁蕪雅  
愛不將曇藥共榛蕪

秋夜宿乾鳳寺和太白紫極宮韻

朧朧月掛松撼撼風敲竹起行視天宇明河可手搗  
祇園夏無人永夜堪處獨雖名小縣尉自依老禪宿

三山即此境五畝從茲十四九年非那無一日復  
身隨隙駟馳路有前車覆焉得去蝗螟丹田看秋熟  
是夜筮解官卜居處得  
吉屯故云○田一作地

次韻奉題申方伯園亭詩卷

元臣舊宅碩儒居巖洞清深俗駕踈遂有耆英聯杖  
烏尚看奎壁照金魚公今築室追芳躅我欲攜壺問  
古書不覺前賢心境遠滿山風月一窓虛宅本成夏  
山希顏故  
第其後宋圭庵貫居一時名勝來集唱和賦詩數十  
篇至今朝野傳載申公卜得其墟遂次其韻求同朝  
諸老共和之  
今又十餘篇

仁穆王后挽章十六韻

馬竇門闌大軒躔象緯光闡儀尊配極女範內含章  
不有龍胡斷誰成麟趾歿重霄蟾蝕月汎世海翻桑  
鐵塔循誣史金墉踵覆隍西宮遭貶削南內轉淒涼  
伏賀中興主親扶萬古綱長秋章復覩隆祐號重  
揚理有神明護天將運祚昌含生歸孝順率土仰衣  
裳縵禮豐呈再釐詞頌祝長妖精俄犯翼災豎遽沉  
盲倚伏三朝豆哀榮十載忙纔移仁慶仗遽卜穆  
陵旁松栢風悲咽川原雨泣滂神旌那可挽已隔白  
雲鄉

又二律

澤堂集  
壺則垂樛木仙齡限握箸尊名兩朝正天道十年移  
社稷留新慶園陵祔舊儀神途定無憾寰域自餘悲

二

壁水升堂歎金墉截髮悲但聞傾社稷誰議叙倫彛  
聖曆重恢運長秋復御時那堪 穆陵路沾灑送龍  
輶

竹島洋中見大小魚騰擲彌滿眼界甚可壯也  
仍賦寄懷

彌坡嶺頭晚霞赤篁竹島前波不起此時海中衆魚  
出爭跳競擲空明裏銀刀亂插玉花碎頃刻腥風恠  
雨灑漁舸撐突挺飛拔赤手取之如拾芥君不見時  
龍御天九萬里神骨自非凡鱗比不識區區尋丈間  
澆澆潏潏終何竅悠然一逝尾間穴莫作饕人几上  
血

水城四時絕句

山頭殘雪尚槎牙山下沙棠已落花茶鼎酒壺携所  
有陂湖曲曲繞漁歌  
百轉黃鸝弄日長垂楊處處拂池塘軒窓竟夕忘歸  
去留取荷風滿袖涼

鱸唇剖白蟹分黃稻穫村村酒熟香政好南樓邀海



月嶺雲湖霧共微茫

胡鷹初擊野鷄肥馬首回颯雪片飛舉白割鮮殊未  
厭六松亭畔正斜暉

立春

五十從今日殊方再立春身同土牛滯鬢愧菜絲新  
際海軍書惡中州虜使頻孤忠憑帖子長祝太平辰  
除夜以亂山殘雪夜孤燭異鄉人分韻作十絕  
句

二 屑屑踵常程惇惇念多亂居然此夜徂便是百年半

官居大海上日夕望三山三山不可到雙鬢已成斑

三

平生忠孝願心力俄已殘留連斗粟計轉覺此途難

四

滄溟萬里濤坡嶺千重雪天門五雲外一望孤心折

五

骨肉半睽離溪山久嘲罵行箴千古心歲盡東齋夜

六

事國計終疎當朝迹尚孤丹田一片地榛棘向來蕪

七

四十九年非今宵算已足鍾鳴或自省老學須秉燭

八

屋漏兩儀明毫差千里異能知此性存俛仰有餘地

九

西天想樂國東海遊仙鄉誰復一室內依歸鄒魯墻

十

去年猶是人今年猶是人明年是明日莫作每年身

澤堂先生集卷之五

澤堂先生集卷之六目錄

詩

元日書懷癸酉

正月廿四日記夢

贈照禪

題信譽比丘軸首

題玄悟比丘軸首

高王父容齋先生嘗以散班省家宜寧之鼎津

將遊頭流山適屬倭警未果俄承召還云

堂有詩云云余出宰水城逾年嘗一入金剛

阻潦中返擬於秋晴再舉不幸 國恤未暇  
遊行今被副學之 召則金剛之遊未卜前  
期為之悵然仍閱高王父此詩意適相類謹  
用其韻以識之

宿陳富院

龍臺川上寄謝宋察訪榮業追問送酒

籃溪上贈於震赫震卓兼寄其兄震昌及崔生

澗尹生鉉鉞金生允源李君之屏二首

延平府院君勳公挽二十韻

思歸

東歸道中

遊鳩巖等地看亭基二首

次韻謝山人靈淑送山菜詩

溪臺晚憩

送朴君彥弘美赴東京尹

送睦禹卿長欽出按關北

愚伏鄭公經世號挽詞三首

寄金鍾城地粹

寄權進士克中

送畸菴鄭學士弘溟出守金堤四首

舟中夜坐獨酌

青平君沈倫挽

諫長被 召辭不赴有感

舟下沙灘

有感

送曹子實赴任高城

送沈潤甫演出守光山

奉次東陽卽事韻二絕

寄李子方 御史行軒

臘月初吉訪竹陰趙怡叔盆梅正開呼酒相勸

為之一醺仍以一律寄意

吳達濟妻挽二首

趙景禎先君遷葬挽

送洪元老命者按嶺南

崔聖止妻挽

贈程副揔龍

代李承旨贈程副揔二首

除日

憶舊遊寄襄陽崔上舍基鐵基鉞兄弟 甲戌

宋杆城熙業林亭八詠

石岸烟柳

沙汀細雨

道峯霽雪

虎巖霜楓

前溪釣魚

後坪牧牛

東嶺邀月

北寺尋僧

具釜挽

阻風沙灘簡楊根李太守

題船壁二首

時赴吏局召命借運判屋船奉老親以行

舟行宿揚江鄭德餘舊舍聞驪興韓使君携

琴兒前一日先下峽

謹次東岳叔父韻一以奉慰一以自述二首

東岳韻寄題汝實兄心遠亭

以史冊擣粧借天章往宿造紙署次天章韻

德嬪宮尚宮秦氏挽二首

題馮都司可宗墨竹軸

次韻荅松京鄭留守斗源二絕

送閔士尚出按關北時余將歸東峽士尚休沐

江上到仰德村而別二首

閔生震亮與余同秋夕省墳之行閔先抵壠下  
寄書告別聊報答

五峯挽詞三首

具主簿鑿挽

韓上舍以成挽

謝岳叔寄小樣牋

寄丹丘車轉坤察訪

秋夕僧志海來訪且欲卜隣書以成約

同福宰安節不寄例儀扇把却餽生筭三十本

戲筆代謝二絕

就散後謹次岳叔書懷寄示韻仍寄上

送南澤之銑按海西

吳校理樽挽

送曹漢英省覲高城

寄李修撰時楷富寧謫所

寄尹持平鳴殷鏡城謫所

李同知惟侃挽

奉次仙源金相國尚容贈李宗伯尚吉韻二首

寄申司諫敏一江界謫所

簡江原監司金孝仲榮祖

李汝復宗文挽詞十四韻乙亥

奉送具伯鞏仁基令公出宰竹山

恭次御製詩寄題郭震卿戴息堂二首

朴就之邊挽

奉次岳叔唱韻題柳明府江亭

柳壯元珍挽

錦溪君朴公挽

携兒輩出寓湖堂偶題四絕

自書堂移寓佛堂戲題二首

十四夜風靜月明與三兒泛舟夜深還寺二絕

玄風宰金道源被誣逮獄蒙恩還縣東湖舟

上贈別二首

東湖崖寺即事五絕

雲水亭園芍藥盛開用東坡海棠詩韻

送朴書狀守文朝天

金判書起宗挽

紙署洗草次崔太學士鳴吉韻二首

月沙相國挽三首

送子時按關東兼寓李都事

寄金山宰正伯楫令弟二首

東岳叔父南歸沔庄獨坐空堂心緒悄悄仍記  
前數日叔父於酒次口號一句云終為清世  
棄獨向故園歸仍演其韻以叙別後之思無  
寓西隣谿谷先生

復次

送睦性之性善出守南原

送柳洗耳頴之杆城任

任使君述之孝達赴甲山口號韻語為別二首

鄭監司世矩挽

李蒼石峻挽三首

李校理尚質挽

奉次東岳叔父南歸沔津寄示之韻

仁烈王后挽詞四首丙子

李別坐妻挽

西平遷葬挽二首

韓以成遷葬挽

權秀才詹挽二首

李府尹幼澄遷葬以目山故也挽詞二首

申正翼壽天老挽



權叅奉孝誠挽

寄金道源日本行中

崔瀼挽

醫官朴泰元女挽

送退村金君埴赴金泉驛

妻母歸葬挽

沈德顯遷葬挽二首

贈送公山僧將戒元兼寄牧使崔大容二絕

口號送李直夫敬輿歸湖西二絕

朴太守應善挽

送朴魯直四使瀋陽二首

次交代太學士金清陰尚憲寄傳心硯示韻

從叔父東岳先生挽詞四首丁丑

澤堂先生集卷之六

詩

元日書懷 癸酉

五十從今日殊方再益陬終迷一箇是謾省半生尤  
麴味痛仍減文詞老自休留連斗粟計終始愧身謀  
正月廿四日記夢

一隔 威顏歲四遷雙鳧又落海雲邊何知款曲中  
宵夢依舊趨蹌左省聯前席正慙詩說淺解袍仍荷  
寵儀偏微言未究歸魂斷惟罄葵忱祝萬年

贈照禪

山僧重聞法手提一鉢囊飄飄行南北隨處安禪床  
雖然未去食下山時乞糧每逢惡少輩調謔爲披猖  
軀命在顛沛安問安心方野僧耻求丐生死不出鄉  
販屨與鋤畝粗足充困箱但苦本州役鞭榜齊黔蒼  
雖名法門徒何異爲農商由來此兩途蝸角相一口藏  
嗟彼遯世士脫屣超倫常猶牽口腹計不免身事妨  
况我俗中人艱難宜備嘗貧賤常多辱富溢或罹殃  
焉能秉明德終已無玷傷爲語鳳社僧休譏太守章  
須知缺陷界得失均亡羊莫如據梧坐是非輸兩忘  
題信嘗比丘軸首

爲向居僧道浮生半是非金鑿新 命下西鳳舊緣  
違天地風塵滿關河雨雪霏遙知方丈室穩卧擁麻  
衣

題玄悟比丘軸首

鳳石叢林舊蜂房劫火餘三年東郡吏一榻半僧居  
雪漲初分磧松涼正滿厨歸驂虎溪畔爲爾更躊躇  
高王父容齋先生嘗以散班省家宜寧之鼎津  
將遊頭流山適屬倭警未果俄承 召還玉堂  
有詩曰一心生死蠹書間補闕無能合退閑  
大度每容微賤品不才重污侍從班南鄉父老

生新敬東閣官僚辨舊顏為向頭流山下道百年猶擬夢魂還云云余出宰水城逾年嘗一入金剛阻潦中返擬於秋晴再舉不幸國恤未暇遊行今被副學之召則金剛之遊未卜前期為之悵然仍閱高王父此詩事意適相類謹用其韻以識之

歸鳥分明昔夢間病駒無路望天閑何知海澨銅符吏更忝雲霄玉笋班半世艱虞餘皓首一身榮寵祗駢顏慙慙為向蓬山道竹杖棕鞋早晚還二十三日除命三

日下青北四日記夢有前詩故首句云云

宿陳富院

半嶺天疑近深春雪尚驕三間稱院宇數畝苦征徭撫字慚前政經過惜此宵衰年情易感亦復費吟謠

龍臺川上寄謝宋察訪榮業追問送酒

登頓籃輿仄高低棧閣危黃雲猶雪意碧澗已春澌久客多艱阻浮生足別離殷勤峴首老遠信有雙鷗藍溪上贈於震赫震卓兼寄其兄震昌及崔生澗尹生鉉鉞兄弟金生兌源李君之屏二首

雪嶺參天白藍溪拆地青多慚二三子追過短長亭宦迹同舟劍羈蹤似水萍并州故鄉戀為爾更丁寧

憶昨東齋夜招携坐到明  
虛樓連月色高榻近松聲  
草草談經舌依依把盞情  
仙源非異境亂世好全生

延平府院君

李公

挽

二十韻

大聖中興運元勳際遇期  
山河鍾異氣熊豹挺殊姿  
骭骸生應稟經綸老更奇  
抉雲扶日轂傾漢洗坤儀  
矻矻彌縫志孜孜獻替辭  
多言烏害道一飯詎忘時  
三黜曾無愠羣譏不自疑  
忠誠存上簡廉白畏人  
知事固多成毀心惟壹  
險夷貳公將輔佐七表望  
期顧不謂艱虞日翻興  
珍瘁詩中天箕宿返半夜  
壑舟

移讜論纒彤陞凶儀忽總帷  
九重偏悼惜百辟動  
嗟咨自愧非材甚曾容載筆隨  
豈無筭瑟異終荷肺  
肝披漠漠兵塵際滔滔宦海涯  
永違陪下榻那忍挽  
征輜遺業多蘭茂嘉謨簡榮垂  
堂堂不復有沒齒可  
無思

思歸

江楓葉欲暗山杏花正飛  
春序已如許客遊胡不歸  
遲回辭禁掖局促望郊扉  
萬事干戈際搖搖心曲違

東歸道中

兩月淹京邸今朝出洛橋  
清江忽當眼宿麥已齊腰

農事真堪喜鄉廬未覺遙塵埃一披拂煩惱頓能消  
遊鳩巖等地看亭基二首

一壑羣溪會千崖小洞門步隨流水遠坐愛晚沙暄  
野杏青初實巖楓綠正繁幽尋真果願妙意久忘言

二

舊賞人誰在新遊事未乖鶻紅留故枿鴨綠漲幽崖  
卽物看生意隨時有好懷茅茨吾欲卜晚計可能諧

次韻謝山人靈淑送山菜詩

年來肉食厭衷腸歸對盤蔬味甚長禪客為余分采  
掇野厨從此倍清涼傾筐尚帶煙霞氣入口先驚雨

袁穀  
充

露香却勝園官輸老杜澤風何讓浣花堂

溪臺晚憇

逕狹松初長沙頰岸欲遷野棠新着雨汀柳故搖煙  
展席雲根潤收疊雪片鮮東溪此光景不見已三年

送朴君彥弘義赴東京尹

貪吏不可為終身處糞穢酷吏不可為甘心作跖戾  
澆俗雖謂能良知不容蔽欲效廉吏為與世或方枘  
無財富子孫有謗劇蠅蚋嗟余既迷悟憐子亦拙計  
七熟檜原瓜瘦氓誦仁惠一炊連珠飯文法先拘掣  
尚沐鳳池波仍趨龍尾砌奕奕東京尹雄都壯南裔

宸心實簡畀臣職詎玩愒促駕就行役炎程正迢遞  
我病不出店城西阻捺袂衰懷易為感古義須相勵  
惟當達天命未可徇時勢聊書疇昔言為子破離涕

送睦禹卿長欽出按關北

萑苻嘯聚掃區區治最湖南 睿簡殊五嶺封疆今  
制閫三營兵甲舊防胡蟬聲驛路行方遠月色城樓  
興不孤早向燕然銘壯烈金門不必是榮途

愚伏世鄭公經挽詞三首

昭代旁招俊明公早軼羣筵謨先魯論殿劄自朱文  
不用昇元輔何須策上勳惟應四字學終始在匡

君

二

朱雀高名繫青松勁節全三朝餘一老八座冠羣賢  
補闕心猶切求閑病又纏千秋看盛際哀贈到重泉

三

蓬館曾陪入龍門屢許登雕虫蒙鑒賞伏鵠負師承  
一望雲山路相驚雨木冰空題數行誅沾灑送緘滕

寄金鍾城地粹

塵埃日日上衰顏湖外青山久未還不用登樓占紫  
氣故人知在水雲間

寄權進士克中權生初學李白豪放可觀今學賈姚纖巧不佳故以此諷之  
寄語湖南權克中凌雲意氣本英雄不知露草流螢  
點何似屠鯨碧海東

送畸庵鄭學士弘溟出守金堤四首

蕉鹿平生夢緋魚晚歲榮江東曾獨步元祐尚完名  
病厭承明直貧從作郡行一麾湖海路歸興繞蓬瀛

二

際海金堤郡前朝碧骨渠龍鱗鋪畎畝雲錦燦芙蓉  
林熟饒官酒魚肥富客厨一官兼野趣非為世緣疎

三

伊昔經過地無端十五年池臺仍舊觀亭壁幾新篇  
欲逐官驂去其如世累牽蘇州金玉什早晚見流傳

四

清絕湖南勝尋常夢裏回園林宜看竹霜雪最憐梅  
未作歸田賦頻傾送客杯迷途兼老病歲月坐摧頽  
舟中夜坐獨酌

水國新晴後船窓坐夜分遠聞泉落渚微覺月穿雲  
枕簟渾愁濕壺觴暫借醺白頭簪組裏堪愧鷺鷥羣  
青平君沈愉挽

只欠文科進何慚盛世賢忠存凶議日誠著孝廬年



壽過稀齡刺官曾宰秩聯所嗟者舊盡喬木日蕭然  
諫長被 召辭不赴有感

散騎清嚴地常時俊又居曾無一言效虛辱八除書  
舊業山資薄孤忠雪髮踈向來辭寵意不是戀樵漁

舟下沙灘

夜醉梨村酒曉乘沙瀨風清暉搖水府宿霧護霜楓  
世變紛紜裏行裝汨沒中江湖客浪棧非復濯纓同

有感

祠神會客本循常細酌微吟豈做狂一網任他摧羽  
翮扁舟直合沂滄浪時史筆多洩衆怨卒起遂中會  
客之謗他僚皆順受而余獨辨

理不止故前後三被臺駁余意此係後日史禍張本  
故不得已而為後日對舉孤注而已非欲自伸已見  
也

送曹子實赴任高城

碧海滄洲路三韓一洞天雖為郡太守何異地行仙  
陳迹纔隣境新除出家聯丹砂句漏意歲暮轉茫然

送沈潤甫演 出守光山

罷榜旋登榜壯元為亞元七年今峻秩百里又殊  
恩得失應知命分携且贈言屠龍銜刃在製錦定無  
煩

奉次東陽卽事韻二絕

時東陽遊三角山過幸  
洲亭舍彈章適發以吾

輦在史局招東陽會酌故也

寒花尊酒故園東一日竒蹤轉手空白簡謾勞聯姓  
字不知人在梵天中  
筍輿山北復湖東島霧洲煙接遠空料得滿樓霜月  
白紫簫聲落彩霞中

寄李子方 御史行軒

忽報乘駟發深嗟把袂違湖山添繡彩草樹倍霜威  
按事君行苦細書我道非應經雨溪里為我訪漁磯  
臘月初吉訪竹陰趙怡叔盆梅正開呼酒相勸  
為之一醺仍以一律寄意

不謂看梅藥還來訪竹陰仙姿超物表春信見天心  
隔幔簷冰碎涵窓岳雪深慙慙相暖熱賴得數杯斟

吳達濟妻挽二首 方伯申得淵女

翁媪懷中只一身玉卽年少正相親如何捨此人間  
樂去作青山栢下人

霜雪凌晨薤曲悲人間親愛此長辭可憐存歿相隨  
去只有今年在腹兒

趙景禎先君遷葬挽

紫劍終偕逝青鸞久獨栖佳城聯舊觀哀挽有新題  
不必官皆貴休論壽不齊須看塚前土世世酌生泥

送洪元老 命考按嶺南

益老名家踵壯元永嘉賢牧復南藩竹駮淳俗今如  
昨棠蔭流風祖有孫絕足早知恢坦道銛鋒須更試  
盤根蒼生未息邊防急只在忠良答 聖恩

崔聖止妻挽

有美幽閨媛于歸大姓門無非議酒食不懈奉晨昏  
種玉方成器燒香未復魂應懸韋氏鏡忍叩漆園盆

贈程副揔 龍

朝來紫氣滿天東玉帳聲馳海岱空官握將符無使  
節志投儒筆仔戎功孤槎汗漫星侵斗三略縱橫虎

嘯風倚馬幾篇傳競病不妨憂國抒深衷

代李承旨贈程副揔二首

平生願識漢宮尉征蓋欣逢郟路賓龍虎韜鈴抽鬼  
秘孔鸞儀彩離風塵維舟海嶼秋濤落倚劔江城朔  
氣新早晚便宜封奏牘滄濱何地不 王春

東江舊鎮淹孤島左海偏封界剽胡綸綍遐宣須大  
价輔車相倚要良圖漢儀久隔欣先覩秦粟雖倉早  
已輸只恐衮衣留不得中原北望復長吁

除日

忽忽坐終夕昏昏睡到晨形骸從老病曆紀任冬春

不用桃符祝休耽栢葉新  
惟須方寸內早認本來真  
憶舊遊寄襄陽崔上舍  
基鐵基鉞兄弟甲戌  
宵筵欲闌使君醉太平樓上  
晨曦赤鳴沙芳草大堤  
路宿醒偏惱西歸客  
睡睫矇眊喉吻乾塵肺欲吸東  
溟窄隆中材俊早知名  
博陵伯仲真連璧斗酒雙魚  
候道左道左松陰垂百尺  
忻然下馬坐馬鞵滿酌流  
霞催大白是時融景正妍華  
湖光海色遙相射棠洲  
處處錦染紅柳岸依依絲  
擘碧祥雲繚繞阿明祠彩  
蜃倏閃龍王宅不用金鞍換  
翠娥不用銅鞮攔綺陌  
一觴一談意頗鹿俯仰乾坤  
三太息似逢安期啖火

棗疑從橘叟斟靈液蓬壺指  
點虛無裏習習神飈生  
兩腋東遊此歡最風流夢想  
至今如宿昔蘭臺朱墨  
鬢成雪一醉也遭臺官噴  
安能鬱鬱老蝸殼布襪棕  
鞋將遠適期君共話三山事  
更向青門撫金狄

宋杆城

熙業

林亭八詠

石岸烟柳

白皜晶綠堤礫依依襯水楊  
晴烟時遠近一半護嬌黃

沙汀細雨

細逐溪風度斜舍水霧昏  
不知新浪漲忘却繫舟痕  
道峯雪霽

澤堂集  
瑶空迥無闕玉筍森成列一抹曉光紅夜來知有雪

虎巖霜楓

勾回桃杏顏粧點虎熊骨莫遣西風掃竒姿太突兀

前溪釣魚

游鱗鱗柳絮釣石漲桃花雪片傾箱處前村是酒家

後坪牧牛

烏犍帶黃犢豐草際平疇商歌非我事扣角和農謳

東嶺邀月

晴峯淡無霏流水鳴不歇中有素心人孤琴候明月

北寺尋僧

烏藤濟兩脚石逕通雙林一笑厖眉老悠然塵外心

具釜挽

白首携孀姊青衿有小甥豈料吾送死常冀爾揚名  
力學翻成病居憂更促生連年寒食土相望祖孫塋

阻風沙灘簡楊根李太守

水國春陰重蓬窓夕景寒艱虞將老母袒肩愧榮官  
逆浪頻嘗險行庖屢費餐傳聲賢地主知我旅情闌

題船壁二首

時赴史局  
船奉老親  
召命借運判屋  
以行阻風沙灘口

夕纜維回岸飛廉挾晚晴風波不可說險阻亦曾更  
屑屑成何事漂漂又此行江湖空滿眼久負白鷗盟

挾本作快  
更作經

二

運判官為室輕舫板作房尋常鷗鷺伴朝暮水雲鄉  
鮮鯽常登俎芳醪任滿觴何如老太史白首困青箱  
舟行宿楊江鄭德餘舊舍聞驪興韓使君推乃  
琴兒前一日先下峽

擬赴提壺約同乘下峽航風濤先利濟琴瑟不虛張  
舊館今宵夢孤燈一雨涼空懷子猷興前路更蒼茫  
謹次東岳叔父疊前韻惠示之什一以奉慰一  
以自述二首

環 召曾從楚澤濱使槎潘節逐年新陽春白雪真

違俗貝錦南箕太枉人絕境詎無高卧地危途難得  
自由身惟應早荅洪 恩了直把貂冠換葛巾

春犁已擲峽溪濱史筆纔投吏牒新老境塵勞非得  
所清時臺劾肯饒人謀生且飽支離粟閉戶須收漫  
浪身早晚山陽同一醉竹林深處岸烏巾

叔姪同患惟是姪史筆已了政欲杜門食西班錄叔  
父勸緘非久或因此就散即來詩所謂竹林携酒之  
期當可指埃也俱及之

東岳韻寄題汝實兄心遠亭

迢遞鄉山迥蒼茫澤國秋亭新知占勝心遠已埋愁  
種藥時巡圃觀魚更掉舟應憐簪組客白首負孤丘

滄堂集  
以史冊擣粧借天章往宿造紙署次天章韻

紙署都城北良宵寓直同人烟山影裏砧響水聲中  
史事添詩課英遊及老翁臨流仍小酌歸騎莫匆匆  
內人秦氏本德嬪官尚宮經侍 宣廟歷事三  
朝罹癸丑禍幸不死以老放出乃歿余慈氏以  
德嬪親弟少時入覲銅禁以秦氏同乙卯生故  
特與親厚今聞其葬慈氏為賻而余為之挽焉  
癸亥 世子卒壬辰嬪卒而以倭亂不及葬故  
下章云二首

窈窕良家選宮庭累代 息班姬曾對獄齊女幾呼

寃日月開重曜桑溟閱覆翻芳魂應不泯先謁 穆

陵原

忍說壬辰亂驚聞癸亥回銅樓初曠位蜃衛亦罹災  
一宿繁華夢餘生肺腑哀仍悲舊宮女玉骨又長埋

題馮都司可宗墨竹軸

不識馮君見此君精神筆底好平分斷來海岱雲根  
骨幻得瀟湘劍脊文正直喜符新給事儀形宛對舊  
軍門歸槎肯寶天津石自有清風掃瘴氛

兄時為給事中

次韻答松京鄭留守

斗源

二絕

鄭公卜庄金剛山下前年按關

溪堂集  
東就新溪洞重修方丈以為棲息之地臺諫追  
駁其事土不聽蓋鄭公好丹學入或疑並學  
也佛乘

仙求不死釋無生存順沒寧儒理明安得新溪方丈  
室與君相對靜中評

嗔喜俱從幻界生狙公三四不分明海山佳處須專  
壑莫管尋常俗客評

送閔士尚出按關北時余將歸東峽士尚休沐  
江上到仰德村而別二首

關山欲作三年別江漢聊同一舸行細雨孤燈連夜  
話白頭青眼舊交情劉歆廟議徒文墨范老邊籌足

甲兵會見鋒車徵節鉞倘容休沐問柴荆方以追崇  
之議被責

故有第一  
五句書劍曾參北幕評寒垣形勝子先經即今按察追陳

迹能復風流似夙齡黑水舊番新勁敵幹河殘壘舊  
雄扃龍鍾每愧談邊事不覺臨歧淚眼熒

閔生震亮與余同秋夕省墳之行閔先抵壠下  
寄書告別聊報答

分袂驪江夜飛書白谷秋俱懷桑梓感不盡路歧愁  
拙宦宜先退高才久倦遊他時問字酒肯訪華門幽

五峯挽詞三首

舊番疑  
作真番



故國餘喬木明庭仰老仙遐齡八表二崇爵上公前  
不朽文章遠無營道氣全林嗟化身閱一醉傍白天

二

海內長庚句東山大傅名鑿坡初際會麟閣遂崢嶸  
世變忠勤著官尊齒德并金根知免誤王樹嗣揚英

三

黃鵠元超壤滄溟詎測杯登龍方恨晚刻棘謬稱才  
絕調知誰續高風挽不回傷心履信第無復奉樽壘

具主簿荃挽

英英聯珠秀雅性欣靜便卜居錦江北開荒弓院前

竒巖鑿混沌碧澗復澄淵環流數層築瀟灑八九椽  
門開板橋渡窓泊以魚船依依緣堤樹泱泱通笕泉  
炊煙驛店近清磬崖寺傳倉箱稍羸餘觴豆間歌絃  
溪南漢京道冠蓋來翩翩風流好逢迎信宿窮歡妍  
銀鈎落素壁誇說頗喧闐古來幽遁士苦淡人所憐  
此居具衆美而君况少年我生一澤堂曾無二頃田  
衰齡坐餬口每被韉勒牽多君敏妙才早辦清勝緣  
一官聊爾耳休罷方言旋爲之羨且歎先贈銘亭篇  
將題三十景欲擬王輞川如何捨此樂奄忽歸山阡  
元知缺陷界罕得生死全一與而一奪天公又何偏

寡妻未抱兒爺孃獨漣漣溪山更誰主亭榭日蕭然  
哀詞寫宿諾比之徐劔懸他年隣家笛猿鶴共悲愴

韓上舍以成挽

禮樂儒家秀謙恭戚里良青春擢上舍文彩映諸郎  
一醉非爲病浮生本自忙空餘掌珠在猶足慰爺孃

謝岳叔寄小樣牋

盛世絲綸非我事藏山文字没人知錦江牋樣何嫌  
小却好新題短律詩

寄丹丘車轉坤察訪

翰墨場中仰五山吾從東岳認孱顏即看篇什皆瓊

唾可愛兒郎亦豹斑一官郵亭堪落拓十年京洛飽  
間關丹丘正合詩仙宅塵世名繯也等閑

秋夕僧志海來訪余澤堂同宿且欲卜隣書以  
成約

夜靜風泉咽山空霽月盈秋齋霜露感暮境水雲情  
偶接僧談穩元知世累輕能來卜隣社爲爾解塵纓  
同福宰安節不寄例儀扇把却餽生笋三十本  
戲筆代謝二絕

故人不寄掌中珎却餽盈籃玉笋新但得清風生五  
內不須揮灑滿衣塵

懶向朱門手炎炎休將便面伴書檄知君不待青筠  
長只坐年來老口饒

就散後謹次東岳叔父書懷寄示韻仍寄上

昭代徵招盡士林濟時舟楫旱時霖愚忠自阻涓埃  
補朽質空慚雨露深老去行藏俱是幻覺來憂樂竟  
何心白鷗滅沒江湖遠肯向雕籠羨彩禽

送南澤之銑

按海西公曾自諫院貶守安岳僕  
有別章公仍進秩有今超

擢僕亦貶嶺縣還踏舊  
迹又在侯罪中故云

東西謫宦兩悠然篋內猶存舊贖篇白首重來堪潦  
倒五年三命見騰騫熊車按歷仍前境竹馬歡迎似

夙緣京邸閉門秋草裏病懷寥落阻離筵

吳校理 轉挽

瑞世三連璧如何盡土中文章追正始骨鯁聳諸公  
晚出猶艱進沉疴遽早終今年饒木稼一慟匪私衷

艱一作難

送曹漢英省覲高城

三舍才名盛雙親郡邑居仍遊仙佛界欲讀聖賢書  
此樂應無敵何求更有餘他年嘗世味知我語非虛

寄李修撰

時楷富寧謫所聞本家女壻新天

石幕千峯底銅標絕塞陲仙班今此地世患豈前期

萱背啼烏怨床東吊鶴悲陽和方布澤歸日肯教遲  
患一作故

寄尹持平鳴殷鏡城謫所

碧海波翻日榆關雪沒岑思君今謫戍憶我舊登臨  
慷慨匡時略棲遑志士心眷陵當日意應不愧寒衾

李同知惟俛挽

城西耆宰畫新傳德宇豪風冠綺筵積闕官仍優老  
秩趨庭兒是佐時賢年當合卺同玄宅月屬懸弧舉  
素旃不覺仙蹤滄島在薤歌鳴咽朔風前

奉次仙源金相國尚容贈李宗伯尚吉韻二首

誰從方外講重玄自是人中有大年八十康強宗伯  
老依然山澤一癯仙

高山流水古琴音夏鼎周璜太廟深不是尋常賡述  
作歲寒相勉素交心

寄申司諫敏一江界謫所

西嶺通商客邊城問謫居應饜石田米時釣鴨江魚  
白首仍風力青編有諫書誰如舊副學默默掩窮廬

簡江原監司金孝仲榮祖

人事差池會面稀向來推激是心期東門祖席熊車  
路又屬經秋伏枕時

李汝復宗丈挽詞十四韻 乙亥

同源親袒免森桂異門闌偶脫風波地俱升法從官  
軒墀聯步武金石勵心肝拙技專鉛槧奇才遇錯盤  
棠陰流惠澤薤水飽清寒憶昔鄰分竹經年會采蘭  
高堂齊祝考仙境幾承歡麩蘖非忘戒襟懷好與寬  
塵緣多契濶風疾久闌珊仁者宜延筭天乎奈闔棺  
新阡耐京兆晝枕罷邯鄲落落晨星少蕭蕭鬢雪殘  
浮生餘景短衰世獨行難後夜西門淚寧隨草露乾

奉送具伯鞏仁基令公出宰竹山具治二嚴切故云

左輔要衝地南藩職貢途城池經百戰剽劫屬多虞

鬢當作  
髮下皆  
做此

理劇須能手蘇惇是遠圖春冰猶慘愴澤鴈正悲呼

恭次 御製詩韻寄題郭震卿戴恩堂二首

杖策橫行百戰間丹衷曾許濟危艱黃公秘略終資

漢墨子堅城預却般身事去来看夢幻 主恩前後

仰丘山 宸章照座長瞻拜自擬鳩居是鷺班

至理昭昭眉睫間歸儒逃墨路非艱牙旗斗印寧為

累水月林風亦這般勇脫田衣期補國倦拋金甲却

尋山丈夫出處如君少誰似姚公耻後班斗印八方

旗一陣大將軍即車五山贈郭君詩句也姚廣孝  
首謀靖難為成祖屢加咨問姚在班後越位而對頗有不  
會朝成祖屢加咨問姚在班後越位而對頗有不  
平色成祖屢加咨問姚在班後越位而對頗有不

有異於是  
故未句云

朴就之 蓮挽

尚忍挽吾友何知餘此生康強宜壽考才略足功名  
外秩纔三品中年奄九京孤蒙叨夙契衰白愧簪纓  
奉次岳叔唱韻題柳明府江亭

風林瑟瑟繞烟臯拍岸春濤勢更豪但覺雄吞千頃  
濶却忘平步百尋高殘霞欲暝迷漁店宿雨初晴放  
客舫正趁閑園韶景好一欄紅藥映葡萄

柳壯元 衫挽

少日魁多士儒風振相門貞松寒後秀良玉栗中溫

銅墨曾留愛弓旌晚荷恩忍將場藿詠千里挽哀旌

錦溪君 軒亮挽

倜儻風雲氣飛騰劔履班天應嫌早達時亦值多艱  
白首脩門阻黃梁一枕閑空留麟閣畫壯魄已丘山  
携兒輩出寓湖堂偶題四絕

一出城塵病亦痊清江白石復當前空名尚帶書堂  
字贏得南樓一夜眠

南樓清灑隔塵寰上有青林下綠灣更借芸編消永  
晝不知名在是非間  
書堂雖設輟官庖糲飯益蔬自解包凋悵百年文會

地不堪多壘徧垌郊

時平觚墨笑韜鈴世亂戎機跼士林半畝方塘便面

筆至今誰識 聖人心 平時書堂多縱宴遊不盡箴

書半畝方塘一絕下書堂使各進謝箋李參判廷立科次居首

自書堂移寓佛堂戲題二首

書堂不是散人居移榻僧房計未踈堯率蓬萊都不擇此身於世本空虛

緣崖尋寺苦躋攀俯眩蒼江背碧山不似向時舟上看磬聲燈影落雲間

十四夜風靜月明與三兒泛舟前湖夜深還寺

偶吟二絕

數君關塞謫經春一友泉途去隔晨白首江湖甘落拓滿船風月醉中身

天朗江清夜不風星河倒影月當中蘭舟自弄姮娥影不用銀梯上碧空

玄風宰金道源被誣逮獄蒙恩還縣東湖舟

上贈別二首

酒醒江樓曉帆開水驛賒南風披宿麥夜雨落餘花世患真無妄天恩豈有涯遙知縣齋夢亦復怕黃

沙

廓落山川濶蹉跎歲月遷鄒陽初出獄彭澤未歸田  
草草臨汀酒遲遲上峽船無煩望牛斗雨露普南天

東湖崖寺即事五絕

平湖細浪動晴空銀漢西斜月出東不覺高臺凌汗  
漫悞疑身在廣寒宮

松林一面俯滄浪黃鳥聲中白日長木榻蒲團回午  
夢水風吹作滿衣涼

懸崖一室敞南窓吾與維摩對榻雙貝葉芸編俱不  
展夜深明月下清江

蘆根晴漲繞村墟獨駕輕舸泝碧虛手把絲綸慵不  
擲滿江斜日看跳魚

前郊樵牧各歸村山雨江風早掩門知有賣魚沽酒  
客土爐松火共黃昏

雲水亭園芍藥盛開用東坡海棠詩韻

柳家亭裏好花木春後芍藥專妙獨施朱傅粉本非  
假能白能紅俱不俗九叢初分洛陽種兩本遠移金  
剛谷江間物色太清絕菜薺青莎繞漁屋故將穠萼  
照雲水如奏仙簫間絲肉團團猩血捧日華帖帖檀  
心擎雨足昭陽玉頰怒生頰繞國明粧真且淑雙翻



澤堂集  
翠袖攘皓腕百褶絳裙圍小腹東隣居士髻如霜散  
步時來倚藤竹平生不解嫵媚語此物肯况清淨目  
可令工部闕新篇不應海棠羞巴蜀留連習氣等染  
素塗抹丹青同刻鵠魏姚私進豈正供溱洧相將非  
雅曲惟須宴坐賞精英占取濃薰鼻端觸

送朴書狀

守文朝天

跼促東海畔蕭條千載後但讀古人書欲與古人友  
中原聖賢墟往迹無不有惟有使者行往往可公取  
孤生將老母蛙坎拙自守忽忽五十餘山海空回首  
羨君方妙歲竒氣真抱負親年當服官叔仲猶左右

晨昏雖係念行役豈淹久儀曹既特達憲綱無在手  
滄濤完舟楫邊障固扃牖城池帝皇居省府寸俊藪  
依依召伯棠鬱鬱金臺阜孤竹與文山遺祠風瀏瀏  
觀瀛無涓涔陟岳無培塿胷中秘書監自此恢數部  
歸來上高堂一一堪細剖持此佐上尊黃耆千萬壽

金判書

起宗挽

晚展亨衢步方知幹世資心懷遺補願身逐簡書馳  
天上雲臺象生前蜀郡祠春秋鞍嶺錄百歲見忠規  
紙署洗草次崔大學士

鳴吉韻二首

不覺三旬近重尋一徑幽林深增綠縵溪淺尚清流

勝事須多酌餘年肯暫留難容謫仙語崔子已題樓

二

簡策纔休役官曹亦在幽三台聯八座神嶠集仙流  
寺近微鍾響臺空舊礎留茫然今古意呼酒復登樓

月沙相國挽三首

一代人文會三朝國老尊中間標節義終始莅艱屯  
禮樂因時制絲綸盡 聖言向來經濟業不獨在台  
垣

二

大拜嗟殊晚稀年冀久延軍籌經指畫廟議費周旋

綠野仍憂國黃扉且避賢應懷勇退志蓬島綴真仙

三

東閣齊霄漢西崑杳海瀛單詞蒙鑑賞兩榜忝門生  
屢奉匡時論深知報主誠風塵滿天地後死轉堪驚

送子時按關東兼寓李都事

名區勝事二難并天上奎光海左傾繡斧使君曾館  
長碧油才子是門生陽春白雪元同調綠水紅蓮可  
並評會有新篇供卧興少文雖老眼猶明

寄金山宰正伯楫令第二首

再從人皆有平生我與君宦途俱爾爾心事共云云

政喜連坊住翻為隔嶺分幾時江海上長入鷺鷥羣

二

父子聯銅墨西南共海山玆甘厨有繼定省道無艱  
老境須愉適榮名儘等閑誰如病祭酒頭白是非間

九月晦日東岳叔父南歸沔庄獨坐空堂心緒

悄悄仍記前數日叔父於酒次口號一句云終

為清世棄獨向故園歸仍演其韻以叙別後之

思無寓西隣谿谷先生

隙影忽忽過塵緣念念非秋從林葉盡人向海山歸

白雪誰同調晨星漸覺稀相憐病玄晏咫尺閉柴扉

復次

大夢迷真覺浮生做昨非田園亦何好老大但當歸

澤國征鴻遠亭臯落葉稀騷人反招隱無路訪巖扉

送睦性之性善出守南原

長憶聯裾侍禁闈十年猶未解朝衣演綸藝術甘衰

白抗疏聲名有是非江海可公頻出守樊籠雖繫詎

忘歸要知歲暮相逢處滿目烟波過釣磯

送柳洗耳賴之杆城任

絕嶺撐虛碧重溟接太清湖明多石影谷邃盡泉聲

草樹檀薰襲樓臺蜃彩并留輸學士眼人相東坡有雙學士眼

之語佳處要題評

任使君述之孝達赴甲山鎮也僕送之城東口

號韻語為別追寫却寄一首

十里城東路陰飆正裂肌萬重關北嶺雪棧奈乘危  
王事均遐邇臣心壹險夷羔兒冬正美無事且傾卮

二

北塞最高脊東韓極遠陬羯羗常接壤霜雪每先秋  
儒將從君始征夫自古愁雖然非貶謫好去莫淹留

鄭監司世矩挽

芹泮陞同榜萍浮會暮年吾堪殷竹後君欲祖鞭先

正屬艱難際翻成殄瘁篇山陽思舊淚何處不潸然

李蒼石峻挽三首

金馬招賢早雕龍擅譽道平生惟悃悞所學是姬周  
遜迹商山晚高名洛水流綿杯思一哭雲嶺碍雙眸

二

經幄三朝舊書帷一壑深方聞祈大斗何意寶喬岑  
寶鑑中興策金針後忠箴流傳長慶體千古見徽音

三

駟召淹今夏春曹曠去年緘書纔見報凶耗奈隨傳  
箕尾收人傑蓬壺引地仙空留玄晏托忍更檢遺編

李校理尚質挽

汨汨風波陸紛紛醉夢場孤根曾樹立逸翮竟摧傷  
準擬青氈復俄驚王鳥巖脩門咫尺路精爽更何鄉  
奉次東岳叔父南歸沔津上寄示之韻

擾擾疲寅酉嗷嗷厭是非誰先陳寔位空羨季鷹歸  
舊竹寒猶翠閑禽近不飛遙知湖畔路雪片任吹衣

仁烈王后挽詞四首 丙子

東國基王化西原世壺儀中興神繼聖內治妙承  
姬神閔如岡報人懷若妣慈仙輶終莫住何止一碁  
悲

二

宣廟初占鳳潛藩早委禽晨昏惟孝敬烝禴倍精忱  
遂正長秋號愈勤永巷箴嵬嵬彤管記千古仰徽音

三

密贊興王運艱貞履變辰外家私豈間南國化方  
新椒頌翻成崇軒精邃告淪長留懷日瑞繼照在東  
垠

四

蘭殿淒涼夜桑壇寂寞春玉衣延髮髯金粟啓氤氳  
百世宜觀德三韓會濟屯恭惟降靈祐長是享明禋

李別坐妻挽

好個吾宗秀宜其冢婦賢慈良知有後痼疾奄無年  
織舍虫吟壁琴床鴈落絃霖鈴海山夜鰓眼淚應懸

西平遷葬挽二首

自罷生芻莫空看幼婦碑重泉那可作浮世倍堪悲  
寂寞倚蘭御凋零寶樹枝鵝峯遷吉宅神理倘扶持

二

華岳喬岑折筭躔爽氣收邊封思故將廊廟憶前籌  
豈止吾私慟常為大國憂西門十年淚重灑下江舟

韓以成遷葬挽

君亡忽三歲餘釁併孤孩天道終難詰親情詎盡哀  
牛岡容改卜龍劍忍重埋正起祈連塚泉途好奉陪

權秀才唐挽二首

自秉絲繩直何須綬冕榮湖山閑活計場屋舊寸名  
忽報漳濱疾俄聞岱岳行南雲空泣眼江漢滯殘生

二

江嶺尋常阻襟懷夙昔開驛亭秋共榻湖墅夜吟梅  
薦剡嗟相負哀詞忍謾裁新阡應宿草無路哭澆杯

李府尹幼澄遷葬以因山故也挽詞二首

早挺青雲幹初盛白玉堂艱屯倚保障勞績炳旂常

世降才難得人亡命可傷世傳公能推人命自卜哀  
詞送遷挽懷舊益沾裳

二

白水新營兆珠丘復啓祥難容把門守未許室皇藏  
禮葬三朝厚恩追八座光賢郎已特達餘慶久應長  
申正翼壽天老挽

名聳摠忠疏官階選俊書高科俄奮發直道竟崎嶇  
清福歸田後沉痾枕塊餘千丈氣一夕掩幽墟  
權叅奉孝誠挽

平生故人酒咫尺並隣居困廩資涓滴襟懷共濶踈

青雲孤剝牘白首悵分裾不謂浮漚盡幽明恨有餘

寄金道源日本行中

使事休煩問離憂自覺多炎洲饒瘴霧滄海正風波  
藥物須將理神明定護訶早歸相問訊吾病卧江沱

崔虞挽詞方伯沂之孫因從師渡江溺死

絕世千金產冤家一塊遺亡羊因挾策浮海本從師  
吊哭雖非禮哀傷不在茲剝陽餘碩果天道會如期

醫官朴泰元女挽

三世傳孤女前年始上笄纔聞衿悅戒庶見案眉齊  
短命天應定良方父亦迷惟應壠頭月夜夜到空閨

送退村金君墳赴金泉驛

詞翰論交地差池抵暮年  
滄洲鄭虔筆江漢米家船  
薄宦隣僑寓郵亭亦靜便  
衣冠逼塗炭羨子却行旋  
妻母歸葬挽

百歲期同穴中年恨未亡  
有兒曾遠謫即葬是他鄉  
不覺星霜換渾忘嶺路長  
惟應雙劍合梓木發龍光

沈德顯遷葬挽二首

廓落匡時志縱橫制勝籌  
千秋歸鏡考萬務決河流  
往事鴻留迹餘生雪盡頭  
盆江舊遊地一哭掩松楸

二

邈彼邢山塚星霜過十年  
初因陪妣葬竟遂祔先阡  
細算幽明理深思聚散緣  
坤靈符孝順餘慶定長延

贈送公山城僧將戒元兼寄牧使崔大容二絕

烏帽華顛一病翁歸心日夜厭  
樊籠山僧却領軍麾  
去猶有人間烈士風

公山太守吾親友錦水高城是舊遊  
匹馬春風僧去路青莎綠漲夢悠悠

口號送李直夫敬輿歸湖西二絕

江湖行止舊相隨萬事無成鬢各衰  
一札新頒哀痛詔知君歸騎正遲遲



澤堂集  
蒼生溝壑溢嘖呻羽檄西南警惡頻湖外有田歸去  
好可能閑卧保清真

朴太守 應善挽君號草亭

科業妨賢路儒林混蔭資嗟君誰不若處世止於斯  
草屋空遺籍桐鄉只短碑人生貴存姓名位儘徒為

送朴魯直四使瀋陽二首

七歲四行役孤臣半死生停車水擁輅戒旆雪迷程  
寸舌當全算長身任衆評惟應桑海旭隨處照心明

二

已覺三軍老誰言五餌疎君能博望役我愧叔皮書

揮闔元因勢經權豈倚虛中孚如起信倘可圍豚魚

次交代太學士金清陰 尚憲 寄傳心硯示韻 賤

分外驟躡切接後塵方自惶縮不敢供職方再  
疏乞免伏蒙清陰相公用故事遠送傳心石硯  
復惠以佳章叙及先世事奉玩感歎雖不取  
當有其器而亦不能孤盛意謹依韻奉謝

斯文心印鑿坡硯紫石眉窪似舊鐫縱許牲壇容後  
輩奈如堂溝忝先傳 今所傳文衡硯非先祖所創受  
以傳焉

付元韻 容齋以其後孫亦為守大提學今澤堂


容齋初秉文衡日聞說腰金尚未鐫却喜賢孫能  
趾美詞林異事更堪傳

從叔父東岳先生挽詞四首 丁丑

先朝學士賀神童  
奎瑞家聲復海東  
大呂黃鍾清廟重  
洞庭南岳火維雄  
文衡且任歸兒輩  
槎詠曾知跨鉅公  
萬首琳琅經劫燼  
豈隨金骨翳泉宮  
雄詞卓行衆爭瞻  
吏事兵機古罕兼  
上國綏傳吳札論  
南蠻早伏魯連談  
里閭百代儀誠孝  
綸綍三朝表謹廉  
總為高風違俗調  
完名大節兩無慚  
傷心不忍說當時  
輿疾孤城扈主危  
信國豈關秋壑事  
綿山不負晉公知  
百年心跡留編簡  
半夜精靈返尾箕  
遺恨湖鄉乖晚計  
懸車舊路哭靈輻

平生百忍念敦宗  
却向孤蒙愛最鍾  
崇秩六卿欣絕等  
清班兩館忝差蹤  
丁寧後事纔承戒  
倏忽今晨遽報凶  
滿目腥氛知己盡  
幾時泉路鎮相從  
公於丁丑  
詩稿東岳挽是丁丑夏作而取八卷末此後不復加選

澤堂先生集卷之六



漢書集



卷之二

七

七

